



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

Ad mulierum smegmata quomodo talcum soluatur. Cap. XIII.

[urn:nbn:de:hbz:466:1-70772](#)

id præstant vñiones, quum acribus succis dissoluta, & putrisimo maceratae, oleum lucidum quoddam remittunt, præcipuum ad faciem mangonizandam, vt alibi fusius docebimus. Ad eosdem usus accersitur lapis specularis, etiam argenteo colore reuulgens. Sed nullæqua præstantior paratur, quam extalco, vel argento viuo, vt in sequenti dicemus.

Ad mulierum smegmata quomodo talcum soluatur.

C A P. XIII.

ET si operi huic dicato, quomodo talcum in aquam vel oleum soluatur, latius loquemur, hic solum, vt ad usum mulierum concinnemus, docebimus. Ex modis, qui circumferuntur, quos utiores experti sumus, apponemus. Talcum metallica pila contundito, inde in ollam accommodabis robustissimæ argillæ, & operculo inducto ferreis filis circumligato, atq; circumligato, spiramenta munienda sunt, ne expiret, & Sol reficcandam tradito: postea in fornace lapidum locato, ubi eluctantur flammæ, vel alibi, dum modo violentissimus sit ignis. Vbi fornax ardere desierit, exmito, & vas frange, si in calcem iam redactum optime noueris: si minus, iterum efficere ne pigeat, & parem operam impendere, donec apparuerit, qui calcis queritur candor. Quu verò perfectè inalbuerit calx, porphyretico marmore teritus, in sacculum accommodato, vel in marmore humidissimo in loco, præalto puteo, vel cisterna diuagi immorari sinito, & nimia humiditate stillatum effluere cernes. Facilius enim, & perfectius in aquam soluitur, si diutius combustum fuerit, & in calcem versum: nam in calcem redactæ partes, & vi ignis atrafactæ, aquam trahunt. Fit &

alio modo

nec inutili. Talcum in calcem reducito, & alle inditum vitreriorum fornaci, ubi maximè sœuit ignis, per sex dies immorari sinito. Talcum tali modo in calcem redactum, cucurbitæ indes, quam primo euacuabis, infra patuo foramine peruiam reddes, ac sub posita paropside extillantem humorem recipias loco humido, & calx in aquam

In aquam effluet, hanc in phialam vitream indes, & balneo aquam expirare sinito, exempto sedimine vteris. Nos

alio modo

etiam usi sumus. Cochleas in fistili vase sub dio ponito, ut triduo fame laborent, & inedia tabescant, purgenturq; inde magnetem argenteum, siue talcum in pollinem subtilissimum redactum, cum oui albumine permisceto, & vnguem parabis: eo testaceum vas perline, & cochleas in eo ponito: nam talcum vorabut, ubi totum absumperint, & egerint excrementa, cochleas cum suis testis cōtere, & recurvo vase impositis, leui igne aquam extrahes, elabens humor mire ad faciei nitorem conciliandum valet.

Argenti viui sublimati preparatio. CAR. XIV.

DI XIMVS nullam rem ad mulierum smegmatum scilicet & abstergendum, & ad concilandum nitorem præstantiorem reperiri, quam argenium viuum: ideo quā plures modos illud præparandi apponemus, ut ijs pro voto fruaris. Sumito sesquiam argentī viui legiti, & non adulterati plumbo: nam si plumbum remistum fuerit, oleum, & operam perdes. Quomodo repurgetur, cognoscaturque alibi diximus. Hoc in selibram argenti viui sublimati commisceto, & in marmorea pila imponito, ac ligneo pistillo novo in carbem circumterendo exagitabis. Primo nigrescit, sex horis inalbescit, si atterere non desieris. Tunç salis albi sesquiam addito, pistillo semper circumteredo, nam quanto diutius contriueris, eo perfectius reddes: ubi optime detritum erit, lauari oportet. Feruentem limpidam aquam in pilam inspergit, & conturbato, ac immorator tantisper, dum limosa pars subsideat, & sordes, quæ leuiores sunt, & superius ierant, vas in latum inclinando, sensim aquam projicio, & aliam super infundito: hoc quinques, aut sexies identidem facito, donec purus, & merus puluis, sordium expers remaneat, colliges in pastillos, & Soli resiccari curato. Sunt qui dura conterunt, aquam irrortant, ne attritu adeolemit pul-

Aa 5